

Presiden Republik Czech Berlepas Ke Kuching, Sarawak
Bernama
06 Julai, 2012

SEPANG, 6 Julai (Bernama) -- Presiden Republik Czech Vaclav Klaus, yang dalam rangka lawtan negara ke Malaysia, hari ini berlepas ke Kuching, Sarawak untuk lawatan ringkas ke negeri itu.

Klaus bersama isteri Livia Klausova dan delegasi negara itu berlepas dari Kompleks Bunga Raya, Lapangan Terbang Antarabangsa Kuala Lumpur (KLIA), pada pukul 3.20 petang dengan menaiki pesawat khas negara itu.

Delegasi tersebut diiringi Menteri Sumber Asli dan Alam Sekitar, Datuk Seri Douglas Uggah Embas, selaku menteri pengiring.

Pada malam ini, Klaus dan delegasinya akan diraikan dengan majlis makan malam oleh Yang Dipertua Negeri Sarawak, Tun Datuk Patinggi Abang Muhammad Salahuddin.

Selain itu, delegasi itu dijadual melawat Pusat Hidupan Liar Semenggoh, Rumah Panjang Tradisional Annah Rais dan mendengar taklimat berhubung Koridor Tenaga Boleh Diperbaharui Sarawak (SCORE).

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=678591>